

**Broj: 01-04-13-03111/2023**  
**Datum: 26.05.2023.godine**

**BOSNA I HERCEGOVINA**  
**FEDERACIJA BOSNE I HERCEGOVINE**  
**PARLAMENT FEDERACIJE BOSNE I HERCEGOVINE**  
**PREDSTAVNIČKI DOM**  
**n/p tajnik – Ivan Miličević**  
**veza vaš akt br. 05/1-02-137/23 od 22.05.2023.godine**

**n/p zastupnik Dragan Mioković**

**BOSNA I HERCEGOVINA**  
**FEDERACIJA BOSNE I HERCEGOVINE**  
**VLADA FEDERACIJE BiH**  
**GENERALNI SEKRETARIJAT VLADE**  
**n/p- generalna sekretarka mr.sci. Edita Kalajdžić**

**PREDMET: Odgovor na zastupničko pitanje Mioković Dragana, dostavlja se**

Poštovani/a,

Federalna uprava za inspekcijske poslove zaprimila je dana 22.05.2023.godine akt, gornji broj koji je zastupničko pitanje koje je postavio Dragan Mioković, zastupnik u Zastupničkom domu Parlamenta Federacije BiH. Uvaženi zastupnik se svojim pitanjem obratio i Federalnoj upravi za inspekcijske poslove i Agenciji za bankarstvo Federacije BiH, sa pitanjem u vezi sprovođenja nadzora, odnosno aktivnosti povodom informacije koja je objavljena u nekim medijima, da su otvorene brojne kompanije u Sarajevu, čiji su vlasnici državljani Ruske Federacije od početka 2022.godine do danas. U obrazloženju svog pitanja, zastupnik je ukazao na stavove EU, istaknute na Generalnoj skupštini Ujedinjenih nacija, OSCE-a, Vijeća Evrope, vezano za restriktivne mjere nakon agresije Rusije na Ukrajinu, i obaveze BiH, prema SSP-u, Sporazumu o stabilizaciji i pridruživanju, da je BiH dužna svoje stavove o međunarodnim pitanjima približavati sa zajedničkim vanjskim i sigurnosnim politikama EU.

U skladu sa članom 116.stav 3. Poslovnika Zastupničkog doma Parlamenta Federacije BiH, u nastavku dajemo slijedeći odgovor uvaženom zastupniku:

Ove informacije/podatke koje je uvaženi zastupnik Mioković iznio u obrazloženju svog zastupničkog pitanja, a kojima isti tvrdi da je veliki broj firmi registrovan na istoj adresi sa vlasnicima državljanima Ruske Federacije, zatim da neke banke sa sjedištem u Federaciji

BiH oklijevaju otvoriti račune za firme čiji su vlasnici državljani Ruske Federacije, a da su neke ipak otvorile račune kojim omogućavaju transakcije, ova Uprava na žalost nema kao zvanične ili potvrđene.

Naime, baza poslovnih subjekata koju trenutno, koriste federalni inspektori Federalne uprave za inspekcijske poslove, a koja je dio starog i prevaziđenog Sistema elektronskog vođenja inspekcijskog nadzora nije ažurna, niti je uspostavljena dnevno ažurna interoperabilnost između baza podataka FUZIP-a i registracijskih sudova u Federaciji BiH.

Naime, u toku je završna faza implementacije USAID-ovog Projekta „E-uprava“ koji u okviru jedne od komponenti Projekta vezano za inspekcijske organe u Federaciji BiH, ima obavezu izrade novog elektronskog sistema vođenja kontrole u prekograničnom prometu roba ( tzv. BIMS sistem) i izradu novog Sistema elektronskog vođenja evidencija o inspekcijskom nadzoru u unutrašnjem prometu ( tzv. IMS).

Novi IMS sistem će imati znatno ažurniju bazu i uspostavom interoperabilnosti između FUZIP-a i Federalnog ministarstva pravde, odnosno sudskih registara ( elektronski registar poslovnih subjekata) će omogućiti pretraživanje podataka o subjektima u segmentu vrste registrovane djelatnosti, i svih podataka koji su sadržani u Rješenju o registraciji u registracionom sudu.

Naime, shodno odredbama Zakona<sup>1</sup> o sudovima u Federaciji BiH ( član 24.) poslove upisa u registre pravnih lica na području Federacije vrše općinski sudovi u Bihaću, Orašju, Tuzli, Zenici, Goraždu, Travniku, Mostaru, Širokom Brijegu, Sarajevu i Livnu, za područje cijelog kantona. Ukoliko osnivač **ispunjava sve zakonom utvrđene uvjete**, sud ima obavezu izdati rješenje o registraciji, neovisno da li je vlasnik kapitala/osnivač firme, domaći državljanin ili stranac.

U nadzorima, za pravna lica, federalni inspektor/i Federalne uprave za inspekcijske poslove se kreće u okvirima svoje zakonom utvrđene nadležnosti ( konkretni materijalni propisi ovisno od upravne oblasti) sa ovlaštenjima u postupku provođenja inspekcijskog nadzora koja su utvrđena Zakonom<sup>2</sup> o inspekcijama Federacije BiH, gdje inspektor obavezno provjerava oblik organizovanja, podatke o odgovornom licu za zastupanje pravnog lica prema aktu o osnivanju i upisu u sudski registar, te između ostalog, posjedovanje propisane dokumentacije za obavljanje djelatnosti, da li je recimo kod subjekta nadzora zaposlen stranac, ima li radnu dozvolu, izuzev stranaca koji ne moraju imati radnu dozvolu u skladu sa posebnim propisima, ima li odobrenja za rad, licence, pravni osnov korištenja poslovnog prostora, itd.

Pitanje državljanstva osnivača firme (domaći državljanin ili stranac- vlasnički kapital) samo po sebi, **nije predmetom nadzora inspektora**, niti je razlogom eventualne zabrane registrovanja kod sudova (osnivanje firme za bavljenje nekom od djelatnosti).

Kod registracije privrednog društva stranac mora imati iznajmljen poslovni prostor gdje će obavljati djelatnost, izabrati ime društva, odgovorno lice i pripremiti osnivački kapital. Osnivač može biti fizičko i/ili pravno lice i/ili strano fizičko/pravno lice. Ako je firma čiji je osnivač državljanin Ruske Federacije BiH registrovana u nekom od nadležnih registarskih sudova, **za**

<sup>1</sup> Zakon o sudovima u Federaciji BiH ("Službene novine FBiH", br. 38/2005, 22/2006, 63/2010, 72/2010 - ispravka, 7/2013, 52/2014 i 85/2021)

<sup>2</sup> Zakon o inspekcijama Federacije BiH ("Službene novine Federacije BiH", br. 73/2014 i 19/2017 - odluka US) čl. 97 Zakona

**inspekcijske organe, to je subjekt nadzora** kod kojeg se kontroliše, da li se registrovana djeletnost obavlja sukladno važećim propisima. Ukoliko se pak u nadzoru kod bilo kojeg subjekta utvrdi nepravilnost koja ima obilježje prekršaja ili pak krivičnog djela, u tom slučaju, nadležni inspektor pokreće ili prekršajni postupak ili izvještava nadležno tužilaštvo da činjenično stanje utvrđeno u nadzoru ima obilježje nekog krivičnog djela.

Uz svo uvažavanje bitnosti postavljenog pitanja, i razumijevanja da Bosna i Hercegovina mora voditi računa da svoje stavove o međunarodnim pitanjima približi zajedničkim vanjskim i sigurnosnim politikama EU, Federalna uprava, kao samostalni federalni organ uprave, nije adresa za ovo pitanje, jer obavlja samo one aktivnosti zakonom utvrđene.

Pitanja o mjerama u vezi ograničavanja poslovanja sa ruskim državljanima i transakcijama novca, te uvoza i izvoza prema Ruskoj Federaciji ili njenim državljanima su u nadležnosti organa na nivou Bosne i Hercegovine.

S poštovanjem,

Dostavljeno:

1 x tajnik- Ivan Miličević

1 x zastupnik- Dragan Mioković

1 x generalna sekretarka Vlade FBiH- mr.sci. Edita Kalajdžić

1 x a/a

29-05-2023

29-05-2023



**Mr. Anis Ajdinović**

RS

